

Fähnlein Kriegsvolck. Die dritte Padillia / vnder dem Hauptman Lasso / vnd einem fehnlein Portugesischer Soldatē. Die 4. war Lucera vnder Hauptman Calliado. Die 5. hieß S. Philippus / vnder Capitän Don Rodrigo de Narois. Die 6. war S. Hnacinth / auff welcher Ludwig de Camous Hauptman gewesen. Auff diesen 6. Galeneyen waren in einer sum 6. Fähnlein Kriegsvolck / jedes 100. Mann starck / neben 1500. Schlaueu oder Ruder knechten. Ein jedes wedere hatte allein 3. stück Geschütz von metall. Wie wol nun die Holländer von ankunfft dieser Galeneyen die zeitung zuuor empfangen / hat doch der Herz von Dpdam nach Holland fahren müssen / sich mit prouiant vnd munitioen besser zu versehen: vnd ließ an seine stat zu vnder Admiral Jan Adriansen Sant mit einem Schiff der Mon genant / neben Gerbrand Adriansen Sal von Horn / dem Capitän Heinrich Hartman in dē Schiff die Löwin vō Rotterdam genant / vnd Gerbrand Jansen / in dem schiff die Hoffnung von Enckhausen. Desgleiche war dem Englischen Ritter Mansel auff der Königin Schiff der Hoffnung / vnd einer Pinass die Auantage genant / auch befohlen dz er auff die Spanische Galeneyen achtung geben solte. Vnder diesen war beschlossen daß d Vice Admiral Sant vnd Gerbräd Adriansen Sal / neben einem der Königin Schiff die Antwort genant / darauff Capitän Breigat war / vnder oder neben den Duynen ligen solte: Mansel aber lag mitte auff der See zwischen Doueren vnd Sales / neben 2. Holländischen Schiffen.

Schiffstreit
zwischen des
Spinole
Galeney vnd
den Engli-
schen vnd
Holländern.

Als nun die Englische vnd Hollendische Schiff solcher massen auff dē Meer hielten / hat der Ritter Mansel am 3. Octob. die Galeneyen am erste vernommen / welche durch hilff eines Räbels neben Engelland

land